

Xander Bogaerts a haya su Walk of Star na Paseo Herencia

PALM BEACH -- Xander Bogaerts a ricibi su prome reconocimiento na Aruba dor di haya e prome 'Walk of Star' na Paseo Herencia. Diabierna atardi tabata un locura total na Paseo Herencia ora cu bou proteccion poli-



cial, e astro Arubano di baseball esta Xander Bogaerts a yega Paseo Herencia. Ricibi, pa un multitud grandisimo consisti di e mayoria organizacion di baseball na Aruba como tambe turistanan precedente di Boston, Xander a



bin devela su 'Walk of Star'. Presente tambe na e ocasion aki nos por mira Minister di Salubridad Publico y Deporte, Dr. Alex Schwengle como tambe Minister di Asuntonan Social y Labor, Drs. Paul Croes. Prome cu

e evento tur organizacion di baseball cu e hungadonan den e edad di 5-6 y 7-8 aña a haya oportunidad unico di saca potret cu Xander.

Mas cu claro, a laga Xander firma algun bala, pechi, uni-



form como recuerdo.

Despues a sigui cu e parti pa e publico cu a culmina den e desvela di e 'Walk of Star'. Sigur di aki banda mester felicita Gerente General di Paseo Herencia, Sra. Valerie

Pietersz-Camacho como tambe Sra. Candy Rasmijn, Gerente di Mercadeo pa e bunita iniciativa pa a reconoce e gran labor deportivo di nos World Champion den Mayor League Baseball, Xander Bogaerts! □